



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk estraordináriu Konsellu Ministrus nian iha loron-29 fulan-maiu tinan 2020

Konsellu Ministrus hala'o sorumutuk iha Palásiu Governu, iha Dili no hahú sesaun dahuluk ho mensajen boazvindas nian husi Primeiru-Ministru ba membru Governu foun sira no mós agradesimentu ba membru Governu sesante sira no membru sira-ne'ebé substitui membru sira ne'ebé la simu posse, ba sira-nia esforsu no dedikasaun durante ezerse sira-nia funsaun iha Governu Konstitusionál VIII.

Konsellu Ministrus aprova ona projetu kona-ba Dekretu Governu nian ne'ebé Primeiru-Ministru, Taur Matan Ruak, apresenta kona-ba medida sira atu ezejuta renovasaun ba deklarasaun Estadu emerjénsia ne'ebé fó-sai hosi Dekretu Prezidente Repúblika nian N. 35/2020 loron 27 fulan-maiu nian, hodi hatán ba Pandemia COVID-19. Estadu emerjénsia ne'e abranje territóriu nasional tomak no vigora hahú oras 00.00 iha loron-28 fulan-maiu inan 2020 nian (loron-kinta) no sei ramata iha oras 23.59 iha loron-26 fulan-juñu tinan 2020 (loron-sesta).

Medida lubuk ida ne'ebé Governu adota ne'e ninia objetivu mak atu halo prevensaun no kontrolu ba surtu KOVID-19 ruma ne'ebé bele mosu karik iha Timor-Leste, kontribui atu oras ne'e daudaun labele eziste kazu ema infetadu ho virus SARS-Cov-2 iha territóriu nasional. Maske nune'e, importante tebes atu bele kuidadu didi'ak hodi la hamosu risku ba importasaun koronavirus foun.

Ho Nune'e, kona-ba Dekretu Governu nian n. 8/2020 loron 30 fulan-abril nian, medida sira kona-ba sirkulasaun internasionál sei mantein nafatin, no agora Primeiru-Ministru bele fó



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSSTITUSIONÁL



Gabinete
Porta-Voz

autorizasaun exesionál atu ema estranjeiru bele tama mai território nasional, iha kazu ruma ne'ebé tenke iha razau forte, kona-ba serbisu empreza sira-nian.

Medida hotu-hotu ne'ebé uluk hatuur ona kona-ba oinsá halo kontrolu sanitáriu ba ema sira ne'ebé tama no sai husi território nasional no sirkulasaun iha território nasional no fiksasaun rezidência sei mantein nafatin.

Lihosi despaxu, Ministru interiór bele determina atu temporariamente taka postu fronteira sira.

Kona fali ba medida kona-ba administrasaun públika, iha Dekretu Governu nian hateten katak servisu públiku sei funsiona hanesan baibain no atu halo ida-ne'e tenke asegura katak tenke iha distánsia mínimu metru ida ho balun entre indivíduu no ema hotu-hotu tenke uza máskara protesaun nian no fase liman molok tama ba espasu públiku sira.

Estabelesimentu ensinu pré-eskolár, ensinu báziku, ensinu sekundáriu, ensinu superiór no formasaun profisionál ka tékniku-vokasionál bele realiza filafali ona atividade letiva sira iha eskola, naran katak kumpre norma téknika ne'ebé sei aprova hosi Ministériu Saúde, Ministériu Edukasaun, Juventude no Desportu no Ministériu Ensinu Superiór, Siénsia no Kultura.

Ho Dekretu-Lei ida-ne'e sei mantein regra hotu-hotu kona-ba asesu no permanénsia iha resintu merkadu sira nian no sei hasai limitasaun hirak ne'ebé relasiona ho atividade ekonómika privada. La iha tan ona limitasaun ba atividade relijioza, desportiva no direitu atu halo greve ka manifestasaun.

Durante Estadu emerjénsia nian ne'e vigora, autorizasaun sira no aktu administrativu no dokumentu seluktan sei válidu nafatin, la haree ba prazu validade ne'ebé iha.



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSSTITUSIONÁL



Gabinete
Porta-Voz

Sekretáriu Estadu protesaun Sivil, Alexandrino de Araújo, halo apresentasaun ida ba Konsellu Ministrus kona-ba planu atu halo rekuperasaun, apoiu ne'ebé fornese ona no nesesidade atu halo intervensaun hodi hatán ba estragu ne'ebé mosu ona no hodi fó apoiu ba populasaun sira-ne'ebé afetadu hosi inundasaun ne'ebé akontese iha semana hirak ikus ne'e iha zona leste no parte tasi-mane nasaun ne'e nian. **Remata**



Palácio do Governo,
Avenida Presidente Nicolau Lobato,
Dili, Timor-Leste